

秋燈譚屑

商務印書館發行



秋燈譚屑目錄

織錦拒婚

科命布設譬

木馬靈蛇

釋鼠判

試驗僞金

印書緣足

孝子悔過

亞力山大自哭路窮

琴工救主

軍中異夢

約翰叔姪

加透愛國

韓尼伯度愛爾迫司山

凱徹渡河

開弗士洞天

大演說家丹尼阿傳略

秋燈譚屑

織錦拒婚

在昔希臘列邦。協攻特老伊時。羣雄中有聰強特出之王。名曰尤利昔司。王伊沙卡國。方其出師。意頗不懌。蓋甚戀其后。亨尼露潑。與其幼子特利邁加司。不願遠征。長日無事。徜徉葡萄棚之下。修治枝葉爲樂。尤欲在果園中灌漑。較之肉薄巷戰。安危乃不侔也。然同盟諸王。必趣其合師進取。王不得已。署諾亦防人。譏其怙怯。后曰。王但行。吾爲王任其家國之事。坐待班師。時老王拉西持司已遜位高居。亦曰。吾兒義當一行。吾國亞斐大因神。必助爾陪敵。王於是以舟師出。與國衆爲別。直趣特老伊。王旣行。思家之念立減。與諸侯合兵圍攻十年。嚴城始下。焚燬殲旃。衆始班師。分途歸國。尤利昔司王此時戀妻愛子之心。復熾。時太子亦冠英。特殊衆。且國中山水殊佳。自念歸時。可以流連景光。開拓胸

次。卽謂其所部曰。趣張帆。駛向故都。想王后。方臨軒俟。寡人也。布帆甫張。大颶已發。浪高於屋。舟甚簸盪。指南之針。遂亂不循。故道而行。舵工把舵。不知所嚮。隨波而流。道中所見。均野蠻之國。忽爾風來。其力絕迅。去國乃益遠。而聯邦諸王。一一歸國。於是希臘全境。均聞捷音。顧諸王皆歸。而尤利昔司獨無耗。每日王后及太子與老王。臨水盼望。歸舟而海波蒼茫。渺無帆影。於是累月累年。終無音兆。已而老王意倦。不出蟄居小殿。太息悲涼。以爲其子已瘞魚腹矣。時國衆亦爭以王爲不幸。然王后之心。仍以爲王必生存。堅持其歸拂拭御座。具朝服以待。臥內則掃地焚香。如王臨御。卽王所常用之弓箭。亦時弢時出。勿侵塵汚。於是者又十年。太子已壯。美麗溫藹。王后中年風致。不減此時。不過四十以外。謾謾有林下之風。后之美。本冠全國人之稱羨。其美謂可傾國。且謹慎貞整。檢身如玉。又未嘗不憐其愚。蓋王之死。耗舉國皆知。而后仍眷眷以爲未死。何

也。在理。宜於親王中選立。以身事之。於是傾慕其色者。人人爭求進身於王后。冀得儻來之富貴。無論遵陸航海。一一偕來。第一人爲安替拏司。其人儻蕩不備。揮霍無藝。繼至者爲亞支勞司。自恃其美。溫婉佳麗。冀得王后之憐。又有多貲之商人。名里屈累他司。肥胖無倫。望而知爲碩腹賈也。此三人甫登陸卸裝。而繼至者復纍纍不絕。莫舉其名。乃爭集王宮求面。亦知得諸與否。后必加禮。迨旣覲見。咸曰。王后吾希臘古俗留遺至今。無孀雌不醮之理。且吾輩此來。專爲求婚。請王后於輩中擇之。有人獲選。餘卽引退。不敢更溷是間矣。語後自述生平。各呈其美。家世咸出貴冑。又各矜智力。及其交遊。后銜悲謂諸客曰。客固表表。顧我守貞。未能醮人。蓋寸心中。尙不以吾王爲死。願以餘生堅守靜俟。其歸衆皆驚曰。王野死矣。何能遽歸。后宜於吾輩選壻。勿誤良緣。后曰。且靜候。經月以待。確耗吾織錦機中。已成其半。此錦爲吾翁殮具。翁年耄。不能不爲備。此

待此錦完時。而吾夫仍不之歸。則吾方謀再醮。今茲決未能也。衆知后心動矣。安替擊司曰。此錦長日用功乎。后曰。然。吾日梭不去手。果吾翁不諱。而吾錦不成。則子婦之責未盡也。亞支勞司曰。且姑待之。錦成更議。今且羣處宮中。坐賞芳時。亦爲佳事。於是衆皆解裝於王宮。受其供應。終日高宴。后懦無如之。何。凡平日儲蓄以待王歸。客皆饗之。動息自如。取地窖中藏酒。縱情而飲。且采園果。及蔬。狼籍如被寇虐。起居無節。叫喚徹霄。宮禁中初無寧日。后宮中本有內侍。客輒蔑視驅詫。不以人理。而國衆亦皆震懾。蓄怒不復放洩。后則寂居機房。迨晚。示客以爲織錦之功。且畢。顧夜中則又竊抽其緒。俾不成功。太子特利邁加司見母勤劬。且被窘辱。則竊竊私憂。旣悲且憤。禱天冀父之歸。顧此野蠻之客。飲啖逾恆。但圖口腹。亦不計及織錦之遲速。彼此互議。錦必速成。且謀飲食。用待佳音。及一月之久。廚肉垂空。窖酒亦盡。廚人四出覓取。頗形艱窘。於是衆頗

疑訝錦之難成。卽進問王后。何久淹吾輩於此。后曰。君輩試觀吾手。仍不停梭也。錦終不成。又將奈何。君輩試觀吾錦。精密細緻。焉能咄嗟而奏功。而亞支勞司頗疑其詐。迨及夜中。則潛進機房以外內窺。見房中篝燈陰沈。后方近機陰抽其緒。且抽且呼其夫之名。亞支勞司見狀。卽徐徐潛出。笑曰。此計良佳。吾輩烏能坐受其愚。明日宣布之衆。衆皆愠怒。及后出時。已日中。衆爭議諷其詐。且曰。后之智計何深。吾蓋知爾鬼蜮之術矣。錦固難成。然今日爲選壻之期。吾輩不再延候。后曰。勿爾。吾決不能從。衆再延我一日。吾必如約。且月光圓滿時。議婚亦吉。安替擊司大聲曰。可以明日爲期。過此不復延矣。安替擊司一言。衆皆附呼。聲震屋瓦。明日下午。求婚之客羣集廳事。豪飲縱啖。嚙如狗噬。不堪入耳。壁中刀盾爲羣噪所震。皆似有聲。方衆譁之間。太子入。其後隨一老僕。名尤美阿司。衆方酣飲。二人雖入。初不留意。尤美阿司謂太子曰。少主人試觀此壁。

上刀盾非專候吾王臨御者邪。太子曰然。王久在外盾塵而刀鏞矣。不如弢而藏之。爲善。老僕曰然。吾引弓少。主人捧刀盾而出。太子曰。卽藏勿延。唯吾父所引弓甚鉅。且懸之。勿動。吾母每日不加拂拭。移藏密處。恐傷慈母之心。於是二人分取。移時始已。安替擊司曰。去此何爲。太子且取械。且曰。此物久懸。防其長鏞。故珍藏之中。有一人曰。此孺子今日頗有喜色。里屈累他司曰。此子怡悅。或乃父歸也。正於此時。斗來一丐。衣敗絮。赤足不冠。徐徐行過堂塗。近客廳之外。侍者見狀。拒之不令入。侍者中之長厚者言曰。或主人令其賣書。正未可料。且毋須拒。時廚房之外有老獵狗。名阿苟司。方偃臥灰中。此狗在前二十年極雄勇。今茲已老。衆皆以廢物視之。齒落眼昏。足亦少蹙。一見丐者。自外徐入。狗已引目注射。卽見二眼大睜。強起搖尾。親此丐者。發聲而嗥。其聲似少時迎其主人者。丐者蹲身撫此老狗。小語曰。阿苟司。吾老友也。丐者撫狗。狗卽死於地上。

厥狀似悅。猶人之含笑而逝者。方狗嘯時。安替擊司曰。何來有狗吠之聲。亞隻勢司曰。是必戀其主母。衆皆大笑。已而丐者立於門次。里屈累他司曰。深宮之中。乃有丐者。溷我貴人。卽有一人。取麵包之皮。擲此丐者曰。鬼物。何爲闖入。汝乃不知此爲國王宮殿。不趣出。且死。老僕亦僞爲叱咤聲。趣之立出。丐者曰。貴人勿怒。此來欲與太子少有陳說。太子亦僞怒曰。我卽太子。汝趣言之。丐者曰。東宮爾今健矣。將來富貴在爾意中。吾飽歷風霜。老而無用。願東宮憐我。又低聲問曰。壁中之械。悉已移置乎。太子曰。然。唯大弓尙在門外。今茲動乎。老僕亦潛曰。可以動乎。安替擊司曰。試觀此豸。作何語。趣引之出。卽有一人起立作勢。里屈累他司曰。可勿驅。且留之爲侑酒之弄人。或且此來亦爲求婚。卽謂丐者曰。吾落漠之老友是乎。丐者不答。卽倚其杖。引目四矚。見廳側有梯。可通后寢。后徐徐自上而下。擁侍者甚衆。衆見后至。咸曰。今日爲選壻之良辰。后來適其

時矣。后問太子曰：此丐者爲誰？留此爲貴客輕蟻。太子曰：母親，此爲乞食。從風濤中經此，且爲吾父賈信而來。后曰：趣令之述，且延之坐，與上客同餐，勿致失禮於使者。后卽延丐者入席，復令太子進饌。后謂宮妾美拉頗曰：汝以盆水爲使者濯足。宮妾曰：吾焉能爲丐者濯足？復有一宮妾名尤雷利亞，則老宮人也。卽王幼時之乳媼，進曰：吾任是役。尤雷利亞卽進盆水，跪而濯之。忽爾大震，盆水立覆。私語曰：吾主脚上有癰，然其聲甚微，座客不能聞也。復又言曰：吾老而笨，致覆盆水，今且出易。丐者曰：乳媼聰明而慎，密深可嘉，尙爾見癰而知我此癰，固生少長諸膝蓋者，今且勿言。吾復仇之期至矣。乳媼亦徐答曰：老妾固知主人之必歸也。外史氏曰：丐者之爲尤利昔司王，讀者當知之矣。兵盡勢窮，以孤舟歸國，而老僕先見之，遂告太子。卽王后亦不之聞。於是三人私計，王出號令，先收其刀盾，俾衆客無抵抗之力。此乳媼亦知而不言，卽取空盆而出，臨出

故大聲爲怨憤之詞。以爲此丐者受人洗足。竟至覆其盆水。太子遂至丐者之前。微語曰。趁此時殺賊乎。正於此時求婚者。仍豪飲而狂噪。呼曰。亨尼露。潑且來同飲。此丐者何詞。先行選壻。再值丐者之言。今夕月圓。汝當踐諾。選一佳壻。卽尤利昔司更生。亦不能履此宮闈。卽有一少年起遮皇后曰。我貌佳。爾且隨我。亞支勞司曰。我亭亭一美少年。卽亞波羅情愛之女神。亦不及我。里屈累他司曰。我富甲一國。後來海陸之珍。悉數歸爾。安替擊司曰。汝安能使我佛意。爾必當偶我。勿儷他氏。后顛聲言曰。諸君少靖。紛綸之中。胡能自定。此事宜屬之天神。衆觀此門外有大弓。爲吾夫所常用者。立功無數。君輩各引此弓。能滿開者爲上。尤須更射一箭。能命中者。嫁之。衆曰。可。卽呼太子曰。特利邁加司。取弓來。先引者安替擊司。力挽不能開。力擲於地曰。此非具妖力者莫之動。於是逐數爭引。均無開者。亞支勞司曰。此丐者或能引滿。丐者如言。徐起細審其弓。仍

如前狀。卽引弓言曰。此吾年少時。曾一見之。卽僞爲無力厥狀。甚笨。安替擊司。以掌批其頰。曰。汝安敢溷我貴人。非出不可。而丐者忽易其狀。力開其弓。狀如滿月。破衣一卸。衷甲立見。儀表凜然。如天神。王后呼曰。吾夫歸矣。立暈於地。乳媼力抱之。懷求婚者。見狀。癡立不能發語。爭欲外遯。老僕急進其矢。王且號且射。一一飲羽。而顓王曰。吾仇復矣。此等狗彘。闖入宮禁。不死何俟。安替擊司死於門。次亞支。勞司以盛服飲羽。伏臥於地。更一箭。則多財之里。屈累他司。以百萬之金。贖了一鏃矣。一一皆死。無一逃者。明日王及后與太子及宮人同坐於一堂。述廿年以來艱虞之狀。王后亦述其守節之苦衷。矢不食言。彼來求婚。恣其譴呶。幸不至於失節。語後卽出機中之錦。旣輒且潔。言曰。吾王聽之。此錦大爲吾助。吾給此輩以錦。成選壻。夜中則潛抽其緒。故延宕以疑之。不圖吉兆所徵。乃爲見我故夫之應也。

科侖布設譬

一千四百九十二年十月十二號。科侖布得美洲。蓋前此研精地理。可十八年。知地球爲圓形。可以環遊一周。故耗其壯盛之年光。冀成此事業。顧所言人多弗信。則遊說於諸侯。及貴要之間。堅實其說。且云。果得海舶。過大西洋。必得廣島。此爲歐人所不曾至之地。衆聞言皆大笑其嚙。而信之者寥寥。及唇舌焦敝。後始得西班牙王及后。賜以三舟。遂出覓地。既逾大西洋。果得大陸。其上有人。蠢頑如野獸。科以爲此卽印度也。既歸復命於國王。於是衆皆稱爲豪傑。能爲西班牙開拓此新世界。科出時。衆皆列觀。與之爲禮。西班牙王及后。置酒廣殿。延科爲上客。科一一敘述得地之故。王與后皆大悅。世未有素門。凡流而國王爲之側席者。有之。實自科侖布始。斯時有人妬恨。陰繩其短。私議謂科侖布者。細民耳。何爲得此榮譽。彼非行乞自意大利來耶。航海覓地。此舵工所長。卽舍

科侖布寧無人能及之者。一日西班牙貴要延飲。座客中有與科不協者。平日驕蹇已極。飲時思以言折辱科侖布。卽曰。先生自海外得新地。此亦恆事。乃不知物論騰沸。爭媚先生爲偉人。吾輩實未知其詳。天下航海家。均能以舟四出。先生亦航海家耳。雖得一島。亦有何奇。乃俗眼驚張。至於此極。殊怪事也。科侖布不答。盤上適有雞子。科侖布曰。諸君孰能將此雞子立於案上。衆爭試之。均不能立。咸曰。此非吾力所逮。科侖布徐取雞子。少叩諸案上。俾銳形內陷。其半黍而雞子立矣。科侖布曰。諸君試思。一雞子之立爲事。至易。諸君尙以爲難。吾思天下之事。無再易於此者矣。須知天下本無難事。惟須先知示之。方知其不難。然而先知者難矣。衆皆悅服。

木馬靈蛇

在意志炎海之左方。有名城。其中多富人。且屯雄兵。人種曰伊利亞木。考之歷

史及古歌謠。則曰特老伊城。城在高陂之上。去海稍遠。逐步而高。四周皆高塘。既堅且險。外兵環攻。初不易克。城中人民繁夥。國王所居。砌石爲宮殿。東宮如之。此外有廟祀亞西因。亞西因者。尊神也。城外繡壤雲聯。間以名園。風景殊佳。城負高山。山名意大蒼翠。撲人春來。滿城皆綠。顧爲古國。亦無人知其所自始。城人均自矜其富強。以爲伊利亞種人。蓋與天地同壽也。顧乃不爾。戰禍已立。兆於眉睫。而驕恣之國民。光燄熾矣。隔海爲希臘國。大聚兵來撲其城。其兆禍乃出諸親王巴雷司。凌踐希臘。奪其國中絕豔之美人希冷。爲斯巴達王美利羅司之后。希臘傾國大怒。於是列邦爭起。合兵度海來攻。萬舟蟻附。直趣高陂。立行帳於海濱。築壘濬濠。爲持久計。且以師挑戰。列陣平原以待。雖互有利鈍。然圍攻凡九年。嚴城仍不能下。主兵旣不能驅客於海濱。而客兵亦不能深入。而奪主相持旣久。死人如麻。特老伊盛言護國大神亞西因。陰中實爲善助。但

使巴拉智安神將長在吾軍。敵何能爲。巴拉智安者。精妙之石象。特老伊人既迷信神道。一力賴神。左右其師。而希臘人亦頗中悔。勞師而襲遠。且巴拉智安神靈至偉。我軍必難進克。復有人言。師老糧竭。不若班師。時希臘人各有歸志。唯尤利昔司在羣雄中。爲有智略。必以尅敵爲心。一日雨中。乘城人不備。潛身入城。至亞西因廟中。廟令醉臥。遂竊取巴拉智安小偶象。出城。明日示衆。謂巴拉智安已入吾軍。神將佑我。顧石象雖亡。而嚴城如故。仍不能破。時交夏令之晨。特老伊全城之人皆醒。蓋爲一城卒噪呼也。衆旣聞聲。爭出問故。城卒曰。彼人遜矣。衆問何人。城卒曰。希臘兵也。衆曰。彼方據勝。著何爲遽遜。城卒曰。衆不吾信。可憑城下瞰。於是爭集睥睨下。窺敵壘已空。無人。船亦爭逝。中有眼力絕精者。言曰。敵師實遁。此吾神之力。不能以人事測矣。尤有一人言曰。爾更審視。或爲霧靄所漫。城卒曰。天清安得有霧。惟海灣叢葦中有黑物。甚異。此何物也。